

Ciengxlwenx Riengz Aendangj Byaij
永远跟党走

Yungzsuij Hag Lizsij Aen- dangj Swnjcienz Meg Hoengz 融水学党史赓续红色血脉

Vih hag ndei guhlaeg gij cingsaenz caeuq vah youqgaenj mwh Siz Ginbingz cungjsuhgi gaujcaz Gvangjsih gangj haenx, fatyienz cingsaenz gwzming, 6 nyied 11 daengz 12 hauh, dangj-yenz daiyauj Yungzsuij Myauzcuz Swciyen Dalang Cin riengz gij rizdin Siz cungjsuhgi, bae daengz Gveilinz Si Cenzcouh Yen guh “suhgi hwnj dangzgoq aendangj”, yienhciegz sonhag lizsij aendangj, lij guh gij hozdung ngoenz aendangj “angqcoux aendangj laeb

ndaej 100 hopbi swnjcienz meg hoengz”. Gyoengqvunz cungj naeuz, mbat neix dwg dangzgoq son’gyauq lizsij aendangj gig mizyinx ndeu. Gyoengqde yaekaeu ciepcienz gih-yinh hoengz, swnjcienz gij meg cingsaenz vunz Gungcanjdangj, youq vihhong swhegij bang lwgminz guh saedsaeh, mbouj lumz simnduj, byaij ndei diuz roen cangzcwngh seizdaih moq, aeu cingzcek ndei bae angqhoh aendangj laeb ndaej 100 hopbi.

(Veiz Cuzliz/韦竹立)



▲Ciepcienz ndaej gij “hoenz hungzginh”. Veiz Cuzliz ingj



▲Gyoengqvunz beng dwk gig haenq. Vangz Siufung ingj

Ginhxiu Guh Yindung’vei Hoh Aen- dangj Laeb Ndaej 100 Hopbi 金秀举办运动会庆建党百年

Mboengqneix, Ginhxiu Yauzcuz Swciyen youq Yauzduh Gvangjangj haiguh aen yindung’vei “ciengxlwenx riengz aendangj byaij” angqhoh aendangj laeb ndaej 100 hopbi. Haimuq sat le, gyoengqvunz lij doxdax bengcag, gak aen doih cungj beng dwk gig haenq, ciengzmienh nauhyied dangqmaz. Mbat yindung’vei neix daj

6 nyied 10 hauh guh daengz 6 nyied 29 hauh. Doxdax lanzgiuz, baizgiuz, yijmauzgiuz, binghbanghgiuz, bengcag, foux minzcuz daengj. Yin-dung’vei gungh miz 2000 lai vunz camgya, ndaej doidoengh daengz biengz cungj lienh ndang, aeu neix hoh aendangj laeb ndaej 100 hopbi. (Vangz Siufung / 黄秀凤)

Denhdwngj: Hawj Bogfeiz Gwzming Daih Cienz Daih 天等：让革命薪火代代相传

6 nyied 10 hauh, Denhdwngj Yen youq aen vwnzva’ gvanj yienhde haiguh aen hozdung angqhoh aendangj laeb ndaej 100 hopbi dem baijok gij gojgaeg gwzming Denhdwngj. Ndagvvanj aeu doz saw langhbaij gij lizsij gojgaeg, bujgiz gyauyuz hoengz, dazyinx ganbu vunzlai rox, hag

gij lizsij gwzming Denhdwngj, geiqniemh bouxyinghyungz, hawj cingsaenz hoengz, bogfeiz gwz-ming daih cienz daih, cau’ok gij fwnveiz caez hoh Cunghgoz Gungcanjdangj laeb ndaej 100 hopbi naekna de.

(Vangz Cwngzsungh Cinz Yizginz / 黄城松 覃日琴)



▲Ganbu ginzcung ngonzyawj gij goj gwzming lizsij. Vangz Cwngzsungh Cinz Yizginz ingj

Canghraiz Sawcuengh Ciemdingh Haeuj Hagdangz Gangj Raiz Saw 壮文签约作家作者创作分享进校园

Mboengqneix, Gvangjsih Saw-cuengh Yozyau, Gvangjsih Minzcuz Gauhcungh iu doenghbox canghraiz Sawcuengh ciemdingh daengz yozyau gangj raiz saw.

Vih caeuq gij hong sawvah minz-

cuz seizdaih moq doxhab, doicaenh hongsaeh son’gyauq Cuengh Gun song vah, hawj sawvah doeng’yungh guekgia ndaej bujgiz, youh banh’ok daegsaek son’gyauq song vah, yozyau iu le Yiz Ciz, Luz Vanjcinh, Cungh

Hihcwngh, Danz Hijvah, Lingz Siu-yangh 5 boux canghraiz Sawcuengh caeuq Gvangjsih Minzcuz Bau ciem-coh doxdingh haenx bae hai aen hoih “gyo aencingz aendangj, riengz aendangj byaij”. Haj boux canghraiz

cug boux aeu gij gingniemh dem gij makbaenz gyoengqde bae gangj baenzlawz raiz saw, hawj lwghag engq maij rox, hag, yungh sawvah minzcuz.

(Lanz Siujyinz/兰小云)